



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

III. De honestate & habitu clericorum.

urn:nbn:de:hbz:466:1-15974

ANNO
CHRISTI
1186. etiam indumento cooperire non possunt, seu quia
verecundum est eis, propter conditiones quæ in-
sunt, publice mendicare, dum nemo illis manum
porrigit adiutricem: isti semper esuriunt, & illi
abundant, & cibi, quibus tales pauperes ali debe-
rent, negleñti in domo corrumpuntur & dissipa-
ntur, & eorum indumenta tinea comeduntur.
Quantum autem in præmissis excedant, cui Do-
minus plus discretionis donauerit, plus aduertat,
quia amplius requiretur ab eo. Porro volentes ip-
pos, tam pœnarum timore, quam præmiorum re-
tributione excitare, & inducere ad opera pietatis,
hoc laudabili Concilio ordinamus, ut per prouin-
ciæ nostræ prælatos, & clericos vniuersos, prout
eis suppetunt facultates, necessaria pauperibus mi-
nistrentur. Is autem suffraganeorum nostrorum,
qui per totam septimanam quatuor, semel in die,
refecerit pauperes; abbatum, qui duos; archidia-
conorum, præpositorum, archipresbyterorum, &
aliorum prælatorum, qui vnum, ac aliorum clericorum,
qui semel in die, in septimana refecerit pau-
peres, de pœnitentiis iniunctis eidem, vnius anni
indulgentiam habeat. Hanc etiam indulgentiam
illi concedimus qui nouum pauperi dederit indu-
mentum. Si autem antiquum, quadraginta dierum
indulgentiam de iniuncta ei pœnitentia relaxamus.

R V B R I C A III.

Licet sit canonica sanctione statutum, vt ex-
communicentur clerici arma portantes, & vt ha-
bitum, coronam, & tonsuram deferant congruen-

Concil. Tom. 28.

LIII

tem, & saepe ab ecclesiarum prælatis, iurisdictionem habentibus, clericis nostris prouinciamoneantur, ne in præmissis excedant, eorum tamen parvientes monitionem, non videntur de excommunicatione curare. Volentes prædictos spirituallia vincula contemnentes temporali poena ab his compesci, propter quæ non modice derogatur ecclesiastica honestati, statuimus ut, si quis de cetero post publicationem huius Concilii inuentus fuerit publice arma portare, absque iusta & manifesta causa, ac licentia sui diœcesani, pro quolibet armorum, a suo prælato iurisdictionem habente, condemnetur in solidos quadraginta, ad minus: nec prælati ipsorum, ex quo sine causa & licentia sui prælati fuerint reperti culpabiles, possint omittere quin condemnent, & exigant, prout culpa ipsorum requiret: cum hoc statuimus in fauorem ecclesiastica honestatis. Qui autem compertus fuerit habitum, coronam, vel tonsuram incongruentem portare notabiliter, pro vice qualibet in quinquaginta solidos condemnetur.

RVBRICA IV.

Etsi ad regimen parochialium ecclesiarum assumpti, ante generale Concilium Lugdunense, quod incipit, Licet Canon, ex quo præfixo a Canonibus tempore se non fecerint in presbyteros ordinari, de iure a ministerio siue ab officio eis commisso remoueri possint & debeant, & aliis eorum ecclesiæ concedi: quia tamen in executione memorati iuris se multi exhibent negligentes, nos

Concilium
Lugdunense
II. capitulo
13. supra
pag. 564.